



TAU: 01 WĀHANGA: 1 WHĀNAU:  
19 o Hui tānguru 2019

Ka rere atu ngā mihi tuatahi ki tō tātou Kīngi, Kīngi Tuheitia, ki te whare Kāhui Ariki. Pai mārire ki a rātou.

Ki a rātou kua ngaro atu i te tirohanga kanohi, moe mai rā.

Hoki mai anō ki a tātou ngā waihotanga ake o rātou mā, tēnā tātou katoa.

## Te Matatini

Nei rā te mihi ki te hunga e whakapiki ake ana ki Te Whanganui ā Tara i ēnei rā tata nei, ki a koutou kei te tū ki te papa tū waewae, ki te hāpai i ngā mahi a kui mā, a koro mā, kia kaha, kia māia, kia manawanui!

## Manuwhiri: Nō Hawaii

Nō mātou te māringanui i te taenga mai o ēnei manuwhiri tūārangi ki tō tātou kura inānahi rā. Inā rawa te noho tahi o ngā tuakana me ngā teina, te rongō i tētehi reo taketake nō whenua kē, te ako i ngā waiata (mele), ngā hurahura o rātou mā.

Me mihi ka tika ki ngā whānau, ngā kaiako, ngā tamariki i tautoko i te kaupapa o te rā, tēnā rā koutou katoa.

## Uru Pītiti - Tau 7/8

Kua tīmata ngā akoranga Hangarau mō ngā Tau 7/8 i tēnei rā ki Te Kura Takawaenga o Uru Pītiti. \$66 te utu mō ia tamaiti, tēnā, utua ki tō tātou kura.

*Me mau hū tika ngā tamariki*, kāore i whakaae ki ngā hānara (He take Health & Safety). Ki te hē ngā hū, tērā pea ka mate tāu tamaiti ki te noho mai ki te kura.

## Hangarau Mōhiohio/Waea Pūkoro

Kaua koa e tukuna mai ngā waea pūkoro/taputapu hangarau ki te kura. Mehemea he take kia mau mai tāu tamaiti i tētehi me whakawhiti kōrero ki te taha o te Tumuaki. Mehemea he take, ka pupuri ki te Tari mō te katoa o te rā.

## Police Vetting

Inā he whānau hou, he matua hou, he inoi tēnei kia whakakī i ngā pepa nei kia wātea koe ki te tautoko i ngā haerenga o te kura, ngā noho marae, te whakahaere tīma hakinakina rānei. I raro i ngā kaupapahere, ngā punaha me te taha haumarua o ngā tamariki o i tēnei kura, me whai ngā matua awhi i ēnei tukanga. Kei te tari ngā pepa hei whakakī.

## KIA MATAARA

22 o Hui tānguru

Kura Tuākana: Waka Kōpapa ki Tūrangawaewae

9:20 - 2:20 karaka

# TŌKU MĀPIHI MAUREA KURA KAUPAPA MĀORI

## House of Science

E tika ana kia tuku mihi ki a Waikato Tainui mō tō rātou tautoko kia noho mai tēnei kaupapa ki roto i te kura i tēnei tau. He kaupapa tēnei hei whakakaha ake ngā akoranga pūtaiao mō ngā kaiako me ngā tamariki.

Kua tāpiri nei tētehi pepa whakaae, tēnā, whakakī koa me te whakahoki mai ki te kura.

Kei kōnei ētehi atu whakamārama:

<https://houseofscience.nz/>

## Nēhi Hauora - Tau 7/8

Ngā mihi ki ngā whānau kua whakahoki kētia ēnei pepa. Kia kamakama koa te toenga!

## Ngā Nama Waea / Wāhi Noho

Mehemea kua nuku whare tō whānau, kua tini rānei ko ngā nama hei whakapā atu, tēnā koa matua whakamōhio mai ki te tari.

[tari@tmmkkm.school.nz](mailto:tari@tmmkkm.school.nz)

## Waea Pukoro

E kaha ana ētehi tamariki, tuakana mai, teina mai, ki te mau mai ēnei ki te kura. Ko te tikanga me hoatu ēnei ki a Whaea V'etta, ā, ka noho ki roto i te Tari mō ngā hāora o te kura.

## Pā Whutupōro o Waikato

Kua uru ēnei toki ki ngā tima pā o Waikato.

- Pearl Whitiora
- Rose Rolleston
- Kyla - Rose Rua
- Turama Paranihi
- Tukaha Darlington
- Meg Rolleston (ākonga tawhito)
- Omar Whitiora
- Tama Te Ahorangi Darlington
- Te Aomatarahi Paranihi
- Kahu Darlington.

I riro a Kyla-Rose te MVP mō te tima U10 kōtiro. Wananei, Kyla-Rose!!



## Kura Tuākana - Waka Kōpapa

Ngā mihi ki a koutou kua whakahoki kētia ngā pepa whakaae.

Hei te Rāmere e tū mai nei ka whakaharatau ki Tūrangawaewae.

Kia kaha ngā tamariki ki te whakarite i ēnei mō te Rāmere:

- Tarau poto / Hingareti / Tihate
- Pōtae Kura
- Inu wai māori
- Kai mō te rā roa (kei reira mō te rā katoa)
- Taora
- Kākahu tuarua

## Haupoi Retireti

Anei ngā wā kēmū mō tēnei wiki:

**Tīma Teina:** 4:57 karaka

**Tīma Tuakana:** 4:19 karaka



# TŌKU MĀPIHI MAUREA KURA KAUPAPA MĀORI

## Ngā Utu Kura

Te Utu	Ko te wā hei utu
\$30.00 (Kotahi te tamaiti)	Ia wāhanga
\$45.00 (tokorua ngā tamariki)	Ia wāhanga
\$60.00 (maha ake i te tokorua)	Ia wāhanga

Nama o te Whare Pūtea:  
TKKM o Tōku Māpihi Maurea  
12-3249-0024036-00

He mihi nunui tēnei ki a koutou kua utua e ngā nama mō te tau kua pahure ake nei.

## Hotaka Manaaki

Ka tīmata te Hōtaka Manaaki Tamariki a te 3.00 - 5.30 karaka. Ko Faith Curtis te kaiwhakahaere.

Ki te hiahia whakauru āu tamariki ki te Hōtaka a muri i te kura, waea atu ki a Faith 0276722693, īmērā rānei:

hotakamanaaki@gmail.com

Na Faith

## Lunch Orders

Tirohia te whārangi ipurangi nei mō ngā kōrero, ngā rārangi kai anō hoki:

<http://lunchorders.co.nz>

Ka tuku tonu mā te ipurangi, i te kāinga, ā, ka tuku mai kamupene i ngā kai ki te kura i mua i te tīmatanga o te wā tina (11:55 karaka).

He hurahi ngāwari tēnei mā te kura i te mea kāore he take mō te tonu pūtea mai ki te kura.

Nā reira whakamatauhia!! He reka rawa te āhua o ngā kai, he kai hauora anō hoki!

Haere ki wāhanga e kī ana "Sign Up" i te tuatahi!

<http://lunchorders.co.nz>

## Whakaaro mō te wiki

*"Ko mahi, ko ora!"*

Mā te whakapau kaha ki te mahi ka whai oranga te tangata.

Ngā manaakitanga  
Laura



# TŌKU MĀPIHI MAUREA KURA KAUPAPA MĀORI

